

中國方志叢書·華南地方·第二七四號

據

清·彭焯修，楊德明纂
光緒三年刊本

影印

貴州省

續修正安州志

(二)

成文出版社有限公司印行

中華民國六十三年六月臺一版

續修正安州志

全二冊

發行人：**黃成助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

人物志上

聖天子聲教覃敷無遠弗届正安雖地瘠民貧沐我
朝二百餘年教育德禮之涵濡既久編氓之恥格
自生士礪廉隅女爭節烈故城雖陷無降賊之
民寇縱凶無失身之婦民德新皆山上德明也
但小邑無大才幸有鄉賢樹進修之表隱逸挽
奔競之風殉難英才香風生於忠骨全貞烈婦
則正氣貫乎太虛孝友有全人篤行有碩士封
典爲山川壯色忠祠與日月爭光仙釋本地靈

壽耆原國瑞緬芳踪於流寓仰望流風溯世系
於土司低徊土著今日之異能足數故明之義
僕堪傳孝婦不遺賢婦備書闡幽光所以維世
答人物宜詳志也

封典

覃恩封誥川嶽增光正安沐封典者寥寥罕見山水
有情當爲惜幸得數人書以冠首

曾昌得

以孫薪傳晉贈通奉
大夫妻吳氏封夫人

曾永元

以子薪傳晉贈通奉大
夫妻達氏勅封夫人

曾薪傳

授通奉大夫
包氏贈夫人

呂世顯

以子芳楷贈奉政大
夫妻周氏贈宜人

謝祥伍

以子家蘭晉贈奉政
大夫妻陳氏贈人

呂芳楷

贈奉政大夫妻
陳氏封宜人

謝家蘭

贈奉政大夫妻
陳氏贈宜人

賈三禮

贈文林郎

冉瓊

例贈文林郎
妻氏封孺人

聶萬頴

例贈文
林郎

鄭文遇

例贈修
職郎

姚儻

例贈修職郎妻
張氏贈孺人

駱壽階

例贈修職郎妻
職佐郎

馮兆謐

贈修職郎妻
萬氏贈孺人

翁鳥岡

贈修職郎妻
楊氏贈孺人

冉秉元

例贈登仕郎妻
王氏贈孺人

劉福田

贈奉政大夫妻
徐氏封宜人

鄉賢

維鄉有賢垂爲師表正安自漢尹珍受經華夏
文教始開嗣此唐有國珍宋有二冉或方畧懋

著或穆行克端雖才德不同要皆乘時自見者也

漢

尹珍字道真犂犂郡毋斂縣人珍自以生於荒裔未漸聲教乃從汝南許慎應奉受五經圖緯學成還鄉里教授於是南域始知學焉桓帝時珍以經術選用歷尚書丞郎官荊州刺史

尹珍攷

郡伯

趙遵律

後漢書西南夷傳曰桓帝時犂犂郡人尹珍自以生於荒裔不識禮義乃從汝南許慎應奉受

經書圖緯學成還鄉里教授於是南域始有學

焉官至荊州刺史

華陽國志
珍母斂人

余宦遊西南徧攻古蹟於周得一人焉曰
其先於漢得一人焉曰尹珍其先以陰陽家言
起梁益奮績柱下名垂禮經江漢炳靈其叔足
以當之尹珍遐荒孤露獨能北學中國受經書
圖緯之學爲南域開文一洗牂牁之陋則鬼方
自七旬格三年克以後山川靈淑蔚起人文非
道真其誰與歸乎惟其發祥之區蔚宗載於牂

荆而未析其邑道將屬之母斂而未詳其地故

南川爭之

重慶府屬縣見四川省志

綏陽爭之

綏志尹珍講堂在旺草里

唐廣明中

重建明邑令

正安爭之

州志珍正安州人其所居

詹淑重修有銘今圯

務本堂在州屬三江里七甲現有子孫焉

省志藍本范書末加區別

概諸州統於府府統於省之例播州士人方聚

訟一堂而未定所歸又何所據以闢其口也攷

前漢牂牁十七邑後漢十六邑晉書牂牁太守

領六縣南齊南牂牁領六縣母斂且蘭皆隸焉

是母斂之屬牂牁逼近且蘭固無疑義矣梁陳



以後中原板蕩夜郎諸郡邑悉竊據於充爨諸蠻牂牁且淪於夷何論母斂也唐祖承隋驅除諸郡而母斂一邑不見於史後之讀書懷古者考其著籍而不得况欲式廬拜墓想像其人耶江劉雲帆曰此無疑也今之正安卽唐之珍州唐之珍州卽漢之母斂也道真教授南域許應之學久饜飫於文人學士獠婦苗童之口故因其斯愛斯傳者以名其郡命名之中懷賢寓焉宋田景遷不忍犯諱廼悠謬其說隱寄易名

之義

景遷以州多災沴請易珍州爲西高

唐書宋史義固各有所

當而不可以邊徼忽焉者也予召陵人也每謁

許墓

許叔重墓在召陵城

輒低徊不能去而說文諸書童

而習之白首茫如詎知汝穎之學早流傳於蠻

雲瘴雨中耶獨是吾鄉方議奉祀叔重而道真

未有專祠是所望於郡中之有志人物而企慕

前賢者

尹道真先生務本堂碑誌

于鍾岳

漢儒尹先生務本堂在正安州城東一百二十

里江七甲明萬歷四十年遵義府知府孫公敏
政重建祠宇

國朝康熙二十四年遵義府知府陳公師沅嘉慶二
十年正安州知州趙公宜霽又兩新之歲久將
有前任正安州知州朱百谷思有以建堂作室
謀諸邑人士功未竟也岳以咸豐八年來署州
事踵朱公未竟之緒逾年歲事邑人士請磨石
記其始末謹按先生諱珍字道真後漢書西南
夷傳桓帝時郡人尹珍自以生於荒裔不知禮

義乃從汝南許慎應奉受經書圖緯學成還鄉
里教授於是南域始有學焉珍官至荊州刺史
華陽國志序志文學荊州刺史尹珍字道真母
斂人又南中志明章之世母斂人尹珍字道真
以生還南本漸序乃遠從汝南許叔重受五
經又師事應世叔學圖緯通三才還教授於是
南域始有學焉珍以經術選用歷尚書丞郎荊
州刺史而世叔爲司隸校尉考明章二字當是
桓帝之誤應奉曾祖在和帝時爲河南尹邑在

章帝後奉以桓帝永興元年平武陵蠻爲司隸校尉可知桓帝時爲是然則先生桓帝時人也後漢書不言先生爲母斂人而華陽國志南中志言之遵義府知府趙公遵律有尹珍考謂今之正安卽唐之珍州唐之珍州卽漢之母斂然則先生漢母斂今正安州人也而鄭孝廉珍修遵義府志以爲非是鄭氏謂母斂縣在今都勻貴陽兩府間正安州漢瞥縣地唐漆州東境珍州東北境兼播州芙蓉縣地宋西高州及珍州

樂源縣地皆不謬

州有樂源井大旱不涸

獨以正安州爲

漢營縣地以都勻貴陽間爲漢母斂縣地此因

前書牂牁郡母斂下剛水東至潭中人潭鬱林

郡周下水首受母斂東入潭行七百九十里鄭

氏旣稱剛水出今貴州獨山州故疑母斂在都

勻貴陽兩府間也又牂牁郡營下不獨山營水

所出鄭氏於不狼山以今桐梓縣婁山關綏陽

縣朗山關當之稱婁山朗山爲不狼山之訛夫

以今之水道求漢縣地未爲無見然母斂之剛

水未必出自獨山奚以知其然也前書母斂下
剛水東至潭中入潭言由潭中而後入潭則潭
中非定周之潭可知下一潭字乃定周之潭且
東至潭中入潭不言道里遠近則剛水出獨山
與否不可知也鼈水東入沅過郡二行七百三
十里今婁山關朗山關無巨川其牂牁諸浸雁
爲巨川以入沅者又不僅七百三十里然則以
鼈水證鼈縣鼈水且不足特謂正安州爲漢鼈
縣無疑可乎且以婁山朗山爲不狼山之訛尤

爲無稽古今水名互有同異蓋夷夏殊音文人
稱述不一未可以臆度也大抵西漢始建牂牁
郡縣畫野分明大致而已水道則以細流統乎
巨浸或沅受之或鬱受之皆牂牁夜郎且蘭之
水也是不足爲證也尹先生之出西南夷既有
明文矣今遵義府爲西南夷地無疑也後漢書
旣舉牂縣又舉毋斂則兩縣之相鄰又可知也
以提封言之今正安州綏陽縣提封各五百餘
里今遵義府提封千餘里恐非一牂縣所能罄